



Allakkiq

Uunga

Naalakkersuisut nittartagaat

11-09-2024
Suliap nr.: 2023 - 4613
ID nr.: 93948717

Aningaasalersuinissamat pilersaarut – tunngavigisat aamma aningaasaqarnikkut sunniutaasussat

Allakkiq manna Ineqarnermut Attaveqaasersuutinullu Naalakkersuisoqarfimmit suliarineqarpoq. allakkiami Namminersorlutik Oqartussat inissiaataanni iluarsaassinermik suliaqarnissaq *‘Ataatsimoorluta inissiat peqqissuutitsigit’* nassuiarneqarpoq. Aningaasalersuinissamat pilersaarummi iluarsaassinissamat suliniuteqarneq ”*Ataatsimoorluta inissiat peqqissuutitsigit – Namminersorlutik Oqartussat inissianik attartortittagaanik iluarseeqqinneq*” ilanngussaq 1-imi nassuiarneqartoq, aallaavigineqarpoq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Aningaasalersuinissamat pilersaarummi ukiut 20-t ingerlanerini, 2025-miit 2044-mut iluarsaassinissamat suliniuteqarnissap aningaasalersorneqarnissaa nassuiarneqarpoq

Takorluukkani marluusuni piffissap ukiunik 20-nik sivisussusillip ingerlanerani, 2025-miit 2044-mut, iluarsaassinissamat suliniuteqarnissap aningaasalersorneqarnissaa nassuiarneqarpoq. Aningaasalersuinissamat pilersaarummi aningaasartuutissanut aqutissat allat marluk ilaatinneqarput; nutaanik illuliortiterneq aamma suliassat nukinginnartut. Iluarsaassinermut suliniuteqarnissap pisariaqarneratuulli, aamma innuttaasut ineriartornerisa sunniutigisaanik, inissiaatit akuttunngitsumik nutartertarnissaat pisariaqarpoq. Aqutissat ilanngunneqarput, ineqarnermut suliassaqarfimmi suliassanut allanut pisariaqartumik aningaasalersuinissamat aningaasassanik immikkoortitsisoqarnissaa qulakkeerniarlugu, kiisalu iluarsaassinissamat suliniuteqarnerup saniatigut suliassanut inuusutitsarsiorlut naammattunik pisinnaasaqarnissaannik qulakkeerniarluni. Nutaanik illuliornernut aningaasassat, suliassanut ilisimaneqareersunut aammalu pisariaqartitsilernissamat naatsorsuutigineqartumut, tunngatillugu immikkoortinneqareerput, suliassanut nukinginnartunut aningaasassat, ullumikkut suut atorneqartarnerannut sanilliullugu, immikkoortinneqarsimallutik.

INI A/S najugaqarfiit Pilersaarutaasumik Piffissakkaartumik Aserfallatsaaliuinermit (PPV) aningaasassanik illuartitsisarnera atorlugu suliassanik arlalinnik ukiumoortumik suliaqartarpoq. Siunnersuutigineqarpoq aningaasassat taakkua atuutsitsilernissamat pilersaarutip aningaasalersorneqarnissaanut ilanngunneqassasut, taamaalillutillu taanna naapertorlugu atugassanngortinneqartassasut. Najugaqarfiit PPV-imi aningaasassaasa iluarsaassinissamat aningaasassani tamarmiusuni ilanngunneqarnerisigit, aningaasassat suut ajorsiaruinnartunik unitsitsinermut aammalu aserfallatsaaliuisannginnerup annertusiartuinnarnerata unitsinnissaanut iluaqutaanerannut tunngatillugu naapertuunnerpaanut, pingaarnersiuiinermi salliutinneqarnissaat qulakkeerneqassaaq. Aningaasassat kattutsinneqarpata, iluarsaassinissamat suliniuteqarnissamat aningaasassat amerlanerusut atorneqarsinnaalersinneqassapput aammalu sunneeqatigiissitsinissaaq kissaatigineqartoq ajornarunnaassalluni.

Aningaasalersuinissamut pilersaarummut aallaavigineqarsimavoq ineqarnermi aaqqissuusseqqinnermi *ineqarnermut suliassa qarfimmi oqimaaqatigiissitsilernissaq*, pillugu anguniagaqarneq. Taamaattumik aningaasalersuinissamut pilersaarummi tunngavissaatinneqarpoq najugaqarfii aningaasaqarneranni oqimaaqatigiissitsisoqassasoq. Taamaattumik pilersaarummi siunnersuutigineqarpoq ineqarnermut akiliut naleqqussarneqassasoq, ineqarnermut akiliutikkoortumik PPV-imut piujuartussamut aningaasassanik immikkoortitsisoqarsinnaalerneranik kinguneqartumik.

Najugaqarfinni nammineq aningaasaatit atorlugit aserfallatsaaliuineri suliassat pisariaqartut suliarineqarnissaannut naammattunik aningaasasaqarnissamut, aningaasassat ukiumoortumik immikkoortinneqartassasut, PPV-imi piujuartussami nassuiarneqarpoq. Namminersorlutik Oqartussat inissiaataanni PPV piujuartussaq kingullermi ukiumut katillugu 150 mio. koruuninut naatsorsorneqarpoq. Piffissap ukiunik 20-nik sivilissusillip qaangiunnerani iluarsaassinissamut suliniuteqarneq naammassippat, Namminersorlutik Oqartussat inissiaataanni iluarsaassinermik suliassat tamarmik, nunap karsianiit tapersiivigineqanngitsumik, ineqarnermut akiliutikkoortumik akilerneqartalersinnaassapput.

Aammattaq ukiumut 5 mio. koruuninik annertussusilinnik, maannakkut najugaqarfinni ingerlatsineri amigartoorutaasartunut, kiisalu ukiumoortumik akinik iluarsiisarnermut, matussutaasussanik ineqarnermut akiliutip naleqqussarneqarnissaa siunnersuutigineqarpoq.

Inassutigineqarpoq ineqarnermut akiliummik naleqqussaanermut atatillugu, innuttaasut aningaasakillioortut illersorniartugit, ineqarnermut tapiissutinut aaqqissuussineq atuuttoq naleqqussarneqassasoq.

Aningaasalersuinissamut pilersaarutip immikkoortuani siullermi makkua ilaatinneqarput:

Aqqutissaq 1 – Iluarsaassinermut aningaasartuutissat:

- Iluarsaassinermi atuutsitsilernissamut pilersaarut – qanoq issutsini ilisarnaatit 2,5-4.
- Aserfallatsaaliuineri atuutsitsilernissamut pilersaarut – qanoq issutsini ilisarnaatit tamarmik.
- Malittaasumik ajoqusernerusimasinnaasunut aningaasartuutissat (15%) – atuutsitsilernissamut pilersaarummi illut sannaanni aalajangersimasuni malittaasunik ajoqusernernik pisoqareersimassaaq. Malittaasumik ajoqusernerit taakkua kingunerisaannik iluarsaassinermi suliassanut aningaasartuutissat qaffasinnerulertussaapput. Tassunga ilanngullugu aamma akilersuineri nalorninartortaasunut aningaasassanik immikkoortitsisoqarpoq. Aningaasassani tassani immikkoortinneqartuni taamaalillutik iluarsaassinernut pilersaarutaasunut immikkut aningaasartuuteqarnissamik ilimagisaqarneq nassuiarneqarpoq.

Aqqutissaq 2 – Nutaanik illulioortiterneq – suliassanut pilersaarutaareersunut kiisalu suliassanut naatsorsuutigineqartunut, aningaasartuutissat.

Aqqutissaq 3 – Suliassat nukinginnartut:

- Suliassat nukinginnartut – ajoqusernertut nukinginnartunut aningaasartuutissanut naatsorsuutigineqartut. Tassani naatsorsuutigineqartut sioqqullugit illut sannaanni taarsersuinissamik pisariaqartitsineri aningaasartuuteqarsinnaaneq ilimagisaqarnerlu, kiisalu oqoqartunik iluarsaassinermut aningaasartuuteqarsinnaaneq, nassuiarneqarput.

Aqqutissat tamarmik – Aningaasartuutissat katillugit

Aningaasat atorineqarsinnaasut:

- Aningaasaliissutit – ukiumoortumik sanaartugassanut aningaasaliissutit
- PPV-imi illuartitat – tassani najugaqarfinni ukiumut PPV-imi illuartitat, ullumikkutut isikkoqartillugit, nassuiarneqarput. Ullumikkut PPV-imut najugaqarfinni 35 mio. koruunit missaat ukiumut illuartinneqartarput. Siunnersuutigineqarpoq aningaasassat taakkua atuutsitsilernissamut pilersaarutip aningaasalersorneqarnissaani ilanngunneqassasut, taamaalillunilu taanna naapertorlugu atugassiissutigineqartassasut. Tamatumani aningaasassat naapertuunnerpaamik atugassiissutigineqartarnissaat qulakkeerniarneqarpoq. PPV-imi ineqarnermut akiliutip naleqqussarneqarnerat ilanngunneqarpoq.
- Illuartitat – maannakkut najugaqarfinni PPV-imi illuartsisarneq, kiisalu suliassanit naammassereersunit aningaasaliinerusarnerit, nassuiarneqarput.
- Aningaasaliissutit katillugit – ineqarnermut suliassaqarfimmut aningaasassat immikkoortinneqartut katillugit nassuiarneqarput.

Inerera

- Aningaasartuutit aningaasaliissutillu nikingassutaat – iluarsaassinernut sanaartugassanullu aningaasartuutissat katillugit aammalu aningaasaliissutit tamarmiusut nikingassutaat nassuiarpaa.

Makkua aningaasalersuinissamut pilersaarutip immikkoortuata aappaani ilaatinneqarput:

Aqqutissaq 1 – Iluarsaassinernut aningaasartuutissat:

- Iluarsaassinermi atuutsitsilernissamut pilersaarut – qanoq issutsini ilisarnaatit 2,5-4. Ukiut 10-t siulliit ingerlareerneranni suli atuutsitsilernissamut pilersaarutip ataani iluarsaassinermik suliassaqtussaavoq.
- Aserfallatsaaliuinermi atuutsitsilernissamut pilersaarut – qanoq issutsini ilisarnaatit tamarmik. Ukiut 10-t siulliit ingerlareerneranni atuutsitsilernissamut pilersaarutip ataani aserfallatsaaliuinermit suliassaqtussaavoq.
- Atuutsitsilernissamut pilersaarut – qanoq issutsini ilisarnaatit 1-2. Immikkoortoq 2-mi illut sannaannik iluarsaassinissaq, atuutsitsilernissamut pilersaarummi qanoq issutsini ilisarnaatini 1-2-miittuni ilaatinneqartunut aallartinneqassaaq.
- Illut sannai allat – Immikkoortoq 2-mi illut sannaanni allani IPV-imi nalunaarsorsimasuni iluarsaassinermi aallartinneqassapput.
- Malittaasumik ajoqusernerusinnaasunut aningaasartuutissat 25% - illut sannaanni aalajangersimasuni malittaasumik ajoqusernerek pisoqareersimavoq, malittaasumik ajoqusernerit taakkua kingunerisaannik iluarsaassinermik suliqaarnissamut aningaasartuutissanik annertunerulersitsisussaapput.

Aqqutissaq 2 – Nutaanik illuliorititeneq – suliassanut pilersaarutaareersunut kiisalu suliassanut naatsorsuutigineqartunut, aningaasartuutissat.

Aqqutissaq 3 – Suliassat nukinginnartut:

- Suliassat nukinginnartut – ajoqusernertut nukinginnartunut aningaasartuutissanut naatsorsuutigineqartut. Tassani naatsorsuutigineqartut sioqqullugit illut sannaanni taarsersuinissamik pisariaqartitsinermit aningaasartuuteqarsinnaaneq ilimagisaqarnerlu, kiisalu oqoqartunik iluarsaassinermut aningaasartuuteqarsinnaaneq, nassuiarneqarput.

Aqutissat tamarmik – Aningaasartuutissat katillugit:

Aningaasat atorneqarsinnaasut:

- Aningaasaliissutit – ukiumoortumik sanaartugassanut aningaasaliissutit
- PPV-imi illuartitat – tassani najugaqarfinni ukiumut PPV-imi illuartitat nassuiarneqarput. Piffissap taamaalinerani ukiumoortumik PPV-imi illuartitat iluarsaassinissamut aserfallatsaaliuinissamullu aningaasartuutissat tamarmiusut taamaaqatigilersimassagaat naatsorsuutigineqarpoq.
- Aningaasaliissutit tamarmiusut – ineqarnermut suliassaqarfimmi aningaasassat immikkoortinneqartut tamarmiusut nassuiarpai.

Inerpera:

- Aningaasartuutit aningaasaliissutillu nikingassutaat – iluarsaassinernut sanaartugassanullu aningaasartuutissat katillugit aammalu aningaasaliissutit tamarmiusut nikingassutaat nassuiarpaa. Tassani taarsigassarsinissamik pisariaqartitsineq naatsorsuutigineqartoq nassuiarneqarpoq.

Aningaasalersuinissamut pilersaarut, ukiumoortumik nutarterneqartartussa, ineriartortuartaussa, tassani pineqarpoq.

Aqutissanut pingasunut taakkununnga aningaasalersuinissamut pilersaarummi aningaasartuutissanut takussutissiaq mio. koruunini akunnaallisarlugit.

Immikkoortoq 1 – Annertusiartornera unitsilli											
	Katillugi t 2025- 34	2025	2026	2027	2028	2029	2030	2031	2032	2033	2034
Aqutissaq 1 – Iluarsaassinermik suliaqarneq	1.205	159,5	110,8	94,1	90,7	111,7	92	113	159,3	123,6	150,3
Aqutissaq 2 – nutaanik illuliortiterneq	545	60	60	60	55	55	55	50	50	50	50
Aqutissaq 3 – suliassat nukinginnartut	210	30	20	20	20	20	20	20	20	20	20
Immikkoortoq 2 – kinguaattoorutit annikillisikkitt											
	Katillugi t 2035- 44	2035	2036	2037	2038	2039	2040	2041	2042	2043	2044
Aqutissaq 1 – Iluarsaassinermik suliaqarneq	1.560,7	147,1	110,1	216,6	137	118	125	158	303,2	148,3	97,4
Aqutissaq 2 – nutaanik illuliortiterneq	630	45	65	65	65	65	65	65	65	65	65
Aqutissaq 3 – suliassat nukinginnartut	155	20	15	15	15	15	15	15	15	15	15

Iluarsaassinissamut suliniuteqarnerup immikkoortuani siullermi, piffissap ukiunik 10-nik sivilissusillip ingerlanerani katillugit 1,2 mia. koruuninut iluarsaassinermik suliassat suliarineqarnissaannut aningaasassanik immikkoortitsisoqarpoq, ukiumut agguaqatigiissillugu, 120 mio.-inik annertussusillinnik. Tassunga ilanngullugu suliassanut nukinginnartunut ukiumut 15 mio. koruunit ukiumoortumik immikkoortinneqarput, taamaattoq ukiumi siullermi 25 mio. koruuniullutik, piffissap ukiunik 10-nik sivilissusillip iluani katillugit 160 mio. koruuninik annertussuseqartunik.

Iluarsaassinissamut suliniuteqarnerup immikkoortuata aappaani piffissap ukiunik 10-nik sivilissusillip ingerlanerani iluarsaassinermik suliassat suliarinissaannut aningaasassanik katillugit 1,56 mia. koruunit immikkoortinneqarput, ukiumut agguaqatigiissillugu 156 mio.-inik annertussuseqartunik. Tassunga ilanngutissapput suliassanut nukinginnartunut 10 mio.-inik immikkoortitsisarneq, ukiumi siullermi 15 mio. koruuniullutik, piffissap ukiunik 10-nik sivilissusillip ingerlanerani katillugit 105 mio. koruuniullutik.

Aningaasanut inatsimmi aningaasaliissutit

Aningaasalersuinissamut pilersaarummi naatsorsuutigineqarpoq Namminersorlutik Oqartussat inissiaataanni aningaasaatinit iluanaarutinut akilerneqartussat Nunap karsianiiginnassasut. Ukiumut isertitat 40 mio. koruunit missaannik annertussuseqarput. Aningaasaatinit iluanaarutit najugaqarfimmiitinnarneqassappata, Nunap karsiani aningaasaliissutit iluanni allamiit aningaasassanik pingaarnersuinissaq pisariaqartussaavoq. *Konto pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit, oqaasertaliussaq nr. 9 naapertorlugu ilanngaaseereernerme iluanaarutit inissianik iluarsaassinermut suliassanik matussusiinermut atornissaannut Naalakkersuisut piginnaatinneqarput, taakkua aningaasaliissutitigut konto pingaarnermi 89.72.12 Inissialiassat taartissanillu inissialiortiterneq, aningaasaliissutitigut killissaliussat iluanni akilerneqartussaallutik.*

Konto pingaarnermi 89.72.12 Inissialiassat taartissanillu inissialiortiterneq, inissialiortiternernut iluarsaassinernillu suliassanut aningaasanut inatsimmi ukiumut 133 mio. koruunit immikkoortinneqartarput. Taakkunanga agguaqatigiissillugu 90-100 mio. koruunit iluarsaassinernik suliassanut immikkoortinneqartarput, aningaasaliissutit sinneri isaterinernik suliassanut aamma nutaanik illuliortiternernut immikkoortinneqartarlutik. Iluarsaassinermik suliassani ilaatinneqarput iluarsaassinermik aserfallatsaaliuinnermillu suliassat annertunerusut, kiisalu oqummik akiuiniarneq. Pisuni tamaginni pineqarput suliassat nalinginnaasumik ingerlatsinermut killissaliussat aamma Namminersorlutik oqartussat najugaqarfiini PPV-imi aningaasassat iluanni ingerlanneqarsinnaanngitsut.

Tamatuma saniatigut, najugaqarfiit arlallit, immikkoortortaqarfimmi aningaasaqarnerup oqimaaqatigiinnarnissaanut, ineqarnermut akiliutinit isertitat annikippallaarnerat pissutigalugu, ukioq kingulleq Namminersorlutik Oqartussat najugaqarfiinut immikkut ittumik tapiissuteqarnissamut aningaasassanik immikkoortitsisoqarpoq. Ukiunut 2022-2024, agguaqatigiissillugu 6,2 mio. koruunit immikkoortinneqarput.

Ineqarnermut suliassaqaarfimmi aningaasaqarneq oqimaaqatigiissinneqassappat, ineqarnermut akiliutinik naleqqusaanissaq pisariaqarpoq. Ineqarnermut akiliummik aningaasartuutinik aalajangigaasumik atuutsitsilertoqanngippat, Namminersorlutik Oqartussat inissiaataanni siunissami aserfallatsaaliuisarneq suli Nunap karsianit akilerneqartartussaassaaq. Tamanna namminersortut pisortallu inissiamik pilersuineranni innuttaasut akornanni naligiinngisitsiinnartussaavoq, innuttaasut nammineq najugaqartut aningaasartuutinit aalajangigaasumik ineqarnermut akiliummut akiliisarlutik, peqatigisaanillu

akileraarutikkoortumik Namminersorlutik Oqartussat inissiaataanni aserfallatsaaliuinermit taperseeqataasarlutik.

Aningaasalersuinissamut pilersaarut – ukiuni 2027-2041, ukiuni 15-ini ineqarnermut akiliummik iluarsineq

Aningaasalersuinissamut pilersaarummi 2025-miit 2044-mut piffissami ukiunik 20-nik sivilissusillimmi iluarsaassinissamut suliniuteqarnermut aningaasalersuinissaq nassuiarneqarpoq, 2027-miit 2041-mut, ineqarnermut naleqqussaaneq piffissap ukiunik 15-inik sivilissusillip ingerlanerani atuutsinneqalissalluni. Tamatumani ukiut 15-it qaangiunneranni ukiumut 150 mio. koruunit PPV-mi piujuartussami angunissaannut, ukiumut 3,7%-inik ineqarnermut akiliutip naleqqussarneqarnissaa pisariaqartussaavoq. Tassunga ilanngutissaaq, 5 mio. koruuninik ingerlatsinermit amigartooruteqartarnerup matussusernissaanut naleqqussaannissaq, tamatumani piffissap ukiunik 15-inik sivilissusillip ingerlanerani ineqarnermut akiliutip katillugu ukiumut 3,8%-inik naleqqussarneqassaaq.

Aningaasalersuinissamut pilersaarutip immikkoortuani siullermi aappaanilu iluarsaassinermut suliniuteqarnermut aqutissaq 1-imi katillugit 2,77 mia. koruunit immikkoortinneqarput, tassani aamma suliaannut nukinginnartunut aningaasartuutissat ilanngunneqanngillat. Tassunga ilanngutissaaq ineqarnermut akiliutikkoortumik PPV-mut katillugit 1,89 mia. koruunit akilersinneqarnissaat. Taamaalilluni iluarsaassinissamut suliniuteqarnermut aningaasartuutissanit 871,5 mio. koruunit, *konto pingaarnermi 89.72.12 Inissialiassat taartissanillu inissialiortiterneq*, nunap karsiani aningaasaliissutinit akilerneqassapput. Tassunga ilanngutissap suliaannut nukinginnartunut aqutissaq 3-mi aningaasassat immikkoortinneqartut katillugit 365 mio. koruuniusut.

Immikkoortoq 1-imi (2025-2034) piffissap ingerlanerani katillugit 72,6 mio. koruunit imaluunniit ukiumut 0,2 - 23,9 mio. koruunit akornanni annertussusillit, siunertanut allanut atugassanngortinneqarsinnaapput, assersuutigalugu inissialiortiternermut immikkut suliniutissanut. Ukiut tamaasa suliaannit missingersorneqartunit aningaasassat atorneqarsinnaasut amerlanerussapput.

Immikkoortoq 2-mi (2035-2044) piffissap ingerlanerani katillugit 265,9 mio. koruunit siunertanut allanut atugassanngortinneqarsinnaapput, assersuutigalugu inissialiortiternermut immikkut suliniutissanut. Taamaattoq aningaasaliissutit annertussusaannut sanilliullugu ukiumoortumik nikerarnerit annertunerupput, 2037-mi aamma 2042-mi amigartoorutit ukiuni siusinnerusuni sinneqartoorutinit matussuserneqartussaallutik, tassami aningaasaliissutit atorneqanngitsut ukiuni aggersuni suliaannut illuartinneqarsinnaammata.

1. Immikkoortoq – Aningaasalersuinissamut pilersaarutip inernerera, aningaasartuutissat aamma aningaasaliissutit nikingassutaat mio. koruuninngorlugit										
Katillu git 2025-34	2025	2026	2027	2028	2029	2030	2031	2032	2033	2034
-72.6	-0,5	-0,2	-0,8	-11,3	-0,7	-23	-23,9	-0,7	-17,7	-3,6
2. Immikkoortoq – Aningaasalersuinissamut pilersaarutip inernerera, aningaasartuutissat aamma aningaasaliissutit nikingassutaat mio. koruuninngorlugit										
Katillu git 2035-44	2035	2036	2037	2038	2039	2040	2041	2042	2043	2044
-265,9	-14,7	-45	53	-35,4	-63,6	-66,1	-42,9	103,2	-51,7	102,6

2041-mi ineqarnermut akiliut, PPV piujuartussaq matussusersinnaalerlugu, annertussuseqalissaaq. Kisiannili 2040-p kingorna piffissami iluarsaassinissamut suliniuteqarnermut nunap karsianit tapersiinissaq pisariaqartinneqartussaavoq, tassami piffissap taamaalinerani aserfallatsaaliuisimannginneq sulii iliuuseqarfigineqartussaammat.